



碩園詩彙目錄

土集

琅邪王

吳惟夏著

孫良穀

編錄

卷二十一之下 癸卯

春日漫興次高季迪韻四首

題陳希夷画像二首

春詞四首

飲學山園紫藤陰下

唐孝子詩 有序

舟行偶吟二首

往返雲間道中遂得四律

飲廉州兄染香庵懽甚走筆成歌

讀楚詞三首

香草

獨醒

東方

讀老子四首

讀莊子十首

夜與湯生對飲至醉

晝寢紀夢二首 有序

大風

病瘧口占四首

感懷廿四首

夢遊青原山二首

讀淮陰侯世家感漂母事

稚子泌請反其意又題一絕

即事

遣懷

雨夜

天意

苦雨四首

晝臥初起

見庭桂

聞闈信有感四首

生理二首

東鴻調下第

且喜

九日淮寺雨

大醉後口占

自課

追和顧麟士先生織簾居詩原韻伊人索賦

秋光

自遣四首

醉中舟過崑山

出郡城二首

虎山橋

奉慈庵即景

訪復見心遺事湯題一絕 有序

宿曹氏丙舍 有序

玄墓

萬峯和尚塔院

鄧尉山

聖恩禪寺

前生

茆庵

費家河

哭楊令五二首

再宿西田 有序

偶題茶館

若問

長至 有序

醉鄉

西碓太守呂公忠節詩

讀呂忠節公孝經本義大全或問詩以紀之

哭何言服

夢楊爾序先生 有序

自閱詩彙題以六絕

卷二十二 甲辰

醉吟

再疊前韻柬九日諸子索和

花朝作

題易水送別圖

春色

曉起

壽李大宗伯太虛八袞四首

開帆

呂城閘 有序

新豐二首 有序

朱方

江行即事三首

燕子磯

聽碁

靖公齋中劇飲得和字

作客

出聚寶門閒步竟日隨意所之間詢往蹟得六絕句

雨歇

偕張子孝緒閒步秦淮遇家惠叔拉飲酒樓

秦淮偶泛即事口占四首

聽胡章甫歌贈以五截句

醉畊堂歌贈吳冠五

贈吳介茲

周園客見予乙未冬即事戲贈八截句而愛之
出便面索書不覺有感聊次前韻八首

酌汪舟次

東歸自嘲

舟泊江口

莫問

逆風

蓬窓

客金陵歸偕陳子靜字及次谷弟同集子存從
叔樹德堂中靜字首唱柏梁古體七十四句輒
從子存叔後依數奉次併示次谷弟令共和之
即用前體贈靜字併柬子存赫次谷弟索和亦
得七十四句與前詩一韻不重叶
偕靜字及子存叔飲次谷弟齋

哭朱令蓉四首

題黃又文蟲身詩八節

計登病起示予新詩走筆柬之四首

肺病

壽維揚仲容許翁八袞吾友力臣師六尊人也

二首

賀子存叔舉第二弟

竟夕不能成寐枕上口占二首

壽孝官申翁六十進士赫旆尊人也

贈海雲世燈禪師二首

吳門謠四首

讀史百詠有序

今宵

婁闕夜泊

碩園詩彙目錄

終

碩園詩彙卷二十一之下

癸卯

春日漫興次高季迪原韻

陰晴百五養花天正好西園聽管絃佳候况逢鄉曲
酒喜看紅燭一齊焚

又

曲院離闌昨賞花夢回曉日已窻紗非關飲量新來
減只為樽前聽琵琶

八
殺
琶

又

麥花風暖柳毵毵走覓南鄰換夾衫不厭槽牀連夜

雨野夫翹部領新街

又

官挑野杏一時新
愁見東風感水紋
春去春來朝暮事
總如巫峽雨和雲

題陳希夷畫像

圖畫先天若個知
堯夫前更有先師
五龍睡法與人會
不夢周公夢伏羲

又

識得陳橋局已分
定然驢背也欣欣
華山不是渠家

土誰與先生管白雲

春詞

金彈飛端逐曉鶯
隔牆剗聽賣花聲
多情只怪東風惡
釀得垂楊嫩綠生

又

落紅滿院瑣窻幽
一任門前過紫驕
曾見天涯芳草路
至今不敢上高樓

又

半捲湘簾日乍長
畫梁零落燕泥香
踈花冷雨春衫

薄倚編欄干倦午粧

又

連朝針線怙慵開春事闌珊雨更催莫道今晨晴却
好蜜蜂如豆打窻來

飲學山園紫藤陰下

共憐千樹紫相映一樽紅此地宜良友今晨况惠風
箏鳴啼鳥下人坐落花中還羨張童子文章速夏工

時鹿埭張子闇成居未座年十五即席作詩序及詩
落絙揮毫文不加點滿座皆驚嘆其才以為子安文
傳考之僅

唐孝子詩

唐孝子者郡人字友虞不知其名少時母病

禱於天請以身代且陰剗股肉和藥進之母

母食而病立愈後一紀始歿予於丁酉冬間

寓郡中虎丘西巖僧舍孝子來謁貌清羸似

嬰瘵疾者袖出卷軸乞詩視其左方有圖四

有詩文九皆當代名公紀孝子事而作予閱

畢惻然心感許以作歌贈之因迫歲邁歸未

果此卷遂留予處戊戌春正予復入郡詢諸

寺僧僧云孝子貧甚素業教授無室家別予
後數甫日竟咯血死矣不覺為之泣焚嗣是
予以患難行役奔走南北囊篋都無暇料檢
癸卯季春從豫章歸始啓故度則予向日自
所為詩文已散佚大半至四方同人投贈酬
和諸作幾於百無一存獨孝子此卷儼然完
好竊意孝子有靈固應撫訶此卷此卷幸而
存即孝子猶不~~釋~~也亟援筆作唐孝子詩附
題卷末孝子雖無子乎異日當訪孝子里居
仍以此卷歸其宗族併告孝子於地下俾瞑
目焉

唐生謁我七載前鷄衣雞骨殊堪憐直入僧寮不通
刺手持一幅烏絲箋話到高堂涕如雨孺慕猶然隱
眉宇方羨精誠表白華誰知魂鬼歸黃土當時奇孝
感皇穹圖繪詩篇寫極工只今筆墨神靈護猶在塵
編蠹簡中人生百~~看~~者居首至性長存豈銷朽不見
流傳古孝經孔壁如新字蝌蚪萬鍾五鼎已蹉跎風
木傷心血淚多追思辛巳年間事吾亦終身廢蓼莪

孝子割股事_在辛巳年而先慈見背亦以辛巳予以
有愧於孝子豈非大罪人哉

舟行偶吟

頻年春事過匆匆燕北度南各不同輸與故園今日
棹桃花水色棟花風

又

船牕斜倚忽凄然自笑風塵枉四年羨殺春江間獨
占綠揚灣裏白鷗眠

往返雲間道中遂得四律

東風拂拂五茸城忽漫追陪大阮行侍麋涇遊倦未

銷山水興途窮難忘弟兄情

為訪侍御農山宗兄及
景曾靖公諸昆弟

羅浮宦蹟三更話

舟中方
談粵事

章貢歸裝半載程

予客江
西半載

新歸正感飄零春欲暮楊花如雪客衣輕

又

不到松江十二亭停艫追憶轉凄然吳山楚軸遊難
了柳月峰雲勝自偏兵火屢催新感慨鶯花莫問舊
因緣棹歌一曲聽纔罷銷雨蓬窻好畫眠

又

橫雲峰畔士龍園名勝流傳尚有村舉酒江山疑赤

壁停撓風浪欲黃昏花因颭水偏撩眼雨為露沙倍
斷魂獨喜鄉園將插蒔舟人剗報長潮痕

又

不覺歸遲又夕暉魚苗風急浪花飛扁舟漫學吳張
翰舊宅難尋晉陸機歌舞換如春夢幻友朋亡似曉
星稀惟餘一事還同昔四月茶山筍蕨肥

飲廉州兄染香庵懽甚走筆成歌

吾兄陸地之神僊濡毫潑墨生雲煙十日一山五日
水王宰寧得誇前賢公侯將相等閒擲肯數人間二

千石避世先辭元亮官棄家似汲玄真宅金粟峰邊
小築成琴書竹木自經營分明有閣同清閱不放倪
迂獨擅名此身已在丹青裏寫出丹青妙無比笑他
北苑與南宮紛紜筆墨徒虛耳隱囊麈尾儘優游
鼎樽壘滿案頭清絕篇章詩鮑謝脩然門徑客羊求
最奇飲不勝蕉葉却愛賓朋多醉頰脚底誰成五嶽
遊屋梁浪說千秋業眼省桑海變多番兒女錢刀那
足論人生苦樂關何事只覺莊周勝屈原酒闌座客
羣歡暢共仰高懷寄天上從古秦王漢武癡逍遙寧

必栖崑閬庭前排日報花開作社應容阿弟來長餅
巨榼都空盡小飲猶能三百杯

讀楚辭

騷爲詩之變作者因發憤起賦名曰經於義亦未紊
不淫夏不怨風雅並垂訓志爭日月光要非倚菴韻
刻舟多後賢孰能究其蘊

又

君神已則鬼九歌首昭然以天屬蒼々何獨天問篇
其中語不倫怪妄相糾纏得毋靈均意亦喻君爲天

呼籲欲使聞猶之稱蓀荃

蓀荃皆以喻君也

梲子乃作對文

義徒拘牽

又

晨讀遠遊篇尋味覺超異來者吾不聞妙語洵遐寄
謂其恐傷生此言殆非至太初以為憐死生業齊視
哀郢與懷沙憂思亦何累彭咸既已從由聃豈云棄
守玄揚子雲猶未明斯意無怪班顏徒紛紛競譏刺

香草

楚國多香草宜將君子看轉憎讒佞者偏亦號椒蘭

獨醒

漁父何嘗醉三閭豈獨醒古今醒醉事吾欲問劉伶

東方

七諫非悲屈東方自不堪始知金馬隱不異放江潭

讀老子

有非乘之對爽實有以根不生即不死是為玄牝門
恍惚與窈冥衆甫惟道尊躋哉古至人外身身乃存
因茲識妙理悟者賢忘言三復伯陽書嗒喪喪精魂
偶推南窻開不覺來朝暾

又

周易貴陽剝老聃乃覺柔老易古並稱斯言豈相侔
當知守其雌玄德非陰謀自勝者為強勝人反招尤
無為勝形勢賓化歸王侯拱把木遭伐敢勇誠堪憂
如何蓋壤間攘效徒戈矛

又

却走馬以糞此為有道國即時害須除或亦用兵革
毒民而民從寧至生荆棘老子非兵書兵機最先得
孔子不云乎戎戰則必克

又

佳兵以垂戒魯葺宋太宗民常不畏死明祖亦動容
可知御世君大約尊猶龍取精去疵病致理堪黃農
不見漢文時三五幾追蹤刑措海內安申韓亦何庸
小國與寡民此言特為恭

讀莊子

莊周古大儒奇言不只驚開卷化與飛道體已先明
大小非鵬鷄死生寧殤彭至人且乘已何況於功名
所以物類中羶牛勝狸狴悲哉一曲士聾瞶多紛爭

又

物論本來齊是非盡技業未始有物初衆慮豈相涉
混成悟乃真處順性方慳吾讀南華篇妙悟在目睫
夢覺可曩今死生或更迭形影還自焚乘周亦無蝶

又

老聃未嘗死三號已為多知其識去來奚勞哭與歌
薪盡火自傳形滅神不磨此理本吾儒匪獨通禪那
解牛善應物樊雉徒傷和但悟養生主莫問生如何

又

孔老嘗相見孟莊詎相與莊言人間世孔顏首所師
終嘆鳳德衰反不如夫離正以東周朝禍亂難復爲
木寇膏火奠感慨良係以愚者昧厥旨迺曰譏仲尼

又

王駘申屠嘉兀者顧堪羨惡人哀駘宅雌雄競相戀
神以忘形全道為無情善惟其德性尊不覺形骸賤
內充外自符奚取名間術當知晬盞稱子輿有同見

又

誰為太宗主知人併知天造化予我形順受期歸全
園吏喻藏舟魯叟感逝川往者誠莫留體隨化而遷
見獨與古今自然軀殼捐朝聳夕可死奚用求神僊

又

大道堪應世入有仍離無聖神與帝王淡漠曾何殊
矧弋致鳥獸多慮還成愚季咸見壺子應悔稱神巫
七日死混沌此後為唐虞以之終內篇至理誠非誣

又

道德而併廢仁義稱無因性情而併離禮樂俱渾淪
於中契分別亦足雕璞淳奈何譏桎梏獨在儒墨倫

瞋目喻憤心此理殊難伸六經倘棄置宣聖先羸秦
可見蒙莊書放誕皆非真其中矯枉談糟粕時雜陳
從來讀莊者未許能斲輪

又

死本因於生生實由於死天地未有時可知者如此
所貴乎至人為能悟無始生固不必憂死更何足喜
樂過南面王髑髏妄言耳

又

老子歎陽居伯昏去禦寇合而為一章語意本相湊
獨恨世流傳贋真乃絲糝盜跖漁父篇其詞抑何謬
我觀戰國時道術競爭鬪揚墨與田彭蚤蚤亂晨晝
漆園子夏徒洗洋以云救分明末卷書旨趣可尋究
誰能刪正之立洗千古陋

夜與湯生對飲至醉

衡門草沒雨窻幽如此清宵醉肯休顧我豈應虛二
仲對君何止勝三騶傷心事往猶堪數

方談子原子
北行時事

適意吟成不要酬今夜羃開知盡否明朝擬話豫章

遊

晝寢紀夢

六月朔日被酒晝卧夢與獵徒數人輕衫快馬馳騁山谷上下如飛拓弓作霹靂聲又夢亂山深處峭壁矗起萬丈瀑布百道飛舞奔瀉其間已獨幅巾倚杖坐草閣中與詩僧畫僧各一人相對閒話恍惚記其名似稱皓公曇公者覺而思此二境皆非生平所曾有然致足樂也起坐索茗亟援筆記以兩絕句漫倚相如筆後思羽獵雄雕弓和駿馬酒醒北窻風

又

高嶺閣邊青飛泉樹頭綠廬山入枕中蓮社圖堪續

大風

雷聲燦怒迴堪愁萬竅于喁總費搜漫憶文章雄絕處賦才宋玉論莊周

病瘧口占

去來天地氣倥傯便為災

劉文成病瘧詩頗怪逃瘧

如逃債惟愁未有臺

又

欲誦花卿句還疑屬浪傳杜陵身尚困隔日竟三年

又

此鬼誠宜譴難憑丹墨書韓公詩語在江水好歸居

昌黎譴瘡鬼詩云符師弄刀筆丹墨交橫揮又云湛
湛江水清歸居安汝妃

又

曲盡炎涼態一身惟爾為始知來病我名瘡固其宜

感懷

人生貴孤行羞學暨與蚤時乘范孟博孰知郭林宗
每愛兩三人磊落開心胸魯連好解紛不受侯王封

孔明起南陽伊呂幾追蹤可憐嵇叔夜亦得稱臥龍
識寡才有餘名士終多凶自非霜雪幹焉能閱隆冬
所以杜陵老托志壠底松

又

山川自紆曲天地何圓方黃鵠一再舉已能知其詳
六合起飛塵萬室零嚴霜上有矰弋機下有罽羅張
仁義世久厭致治誰賢良且復謝尹臯相與師申商

又

致治貴損益如醫求病痊試取東南論標本宜何先

守令劇催科閭閻穩笞鞭貧人日糶米富人
不買田地廢李悝力山興鄧通錢虎而剋者
吏專奪官府推寇盜數湖海天誅尚稽延
此皆廟堂責當思救已焚酒酣耳熱時
計畫將亦研敢矜藜藿子智在肉食前
或者漆室女其意殊堪憐

又

阝蘭未嘗死洲莽喪時枯夸父與精衛人
皆笑其愚寧知天下事情形異朝晡從來
致治方孔孟非非誣不見秦銷兵袖乃萌
耰鋤焚坑以自恃予聖千古愚

耄年漢伏生此時已為儒所願廟堂客及
今陳良謨中者法殷周上者幾黃虞吾儕
固小人亦得安桑榆

又

今管輅壞端大略自堪數經國以文章儒
者不皆廢從來將相才往逞出環堵爽如
意氣豪每受時命侮賈生治安書空談等
泥土却笑絳灌徒讒言亦何苦

又

蛟乃在水裔麋乃在庭中閭媿非好女尤
良為賤工腹內千卷書不且驚兒童世事
任顛倒弔古徒榛叢

何人嘆竒才菰蒲滿江東負薪牧豕儔久鬱無時通
君省歎五噫出閔者梁鴻

又

卞玉三獻秦此玉豈有假誰云與脛行視之曰石也
徂半單衣人商歌動中野若非齊桓公老死牛車下
用此觀古今慷慨淚盈把歷數風雲遭史書一何寡
高光不可期勿復論曹馬元勳蕭鄧稱乃是逢時者

又

顏闔能鑿坏段干且踰牆高士予何敢撫己心惘惶
回思十五年跋躐空名場生計賴賣文粗飽覈與糠
每畏賓客來開言詢行藏齟縮與以答詭語引東方
儀秦生今世安得常即侍

又

開秋起涼颺先吹北窻樹凍雨昨始收濁醪喜粗具
清曉披殘編屢吟得佳句妄意天地間微軀此聊寓
首髡已接輿行裸將桑扈今人吾不知古人復難遇
誰爲鍾子期當用黃金鑄

又

廣武嘆嗣宗英雄竟無有淵明咏荆軻終乃事農畝
賢達皆所遭寧予獨陽九難從蹈海人未作採芝叟
草木於世間何必論芳朽左莊右離騷一編每在手
敲亦不須壺鼓亦不須缶吾欲寄悲歌麴生固良友

又

擾擾繁華子賓客恒填閭梁肉飽輿臺絲竹喧庭除
結交何必早及時慎勿踈曉起獨徐步蓬蒿遍園墟
自知正顛顛不迎長者車晨夕共晤言遺編遡皇初
因茲悟人世萬事殊盈虛吾分業有定官貴誠難居
得損各自足焉用無熊魚齧齧秦與斯北遊西上書

又

造物惡斯人每欲勞其生伊予素落魄輟鮒尤傷情
糗蘓累童僕頽頽啼孩嬰夤夤固窮志牧拙羞經營
賣卜日百錢宜學嚴君平肯效瑯鳴鳥終夜長哀鳴

又

孔鳳雖難希寧食羞雞鷩仁獸稱騶虞豈能逐魏鬼
炙手五侯門志士肯瞻顧咿嘍誠可悲浮競當思杜
窮達命自天莫怨讀書誤強效西家顰反失壽陵步

出處計未成無煩悵絲路惜哉班孟堅徒作幽通賦

又

至人貴知希此語洵非誑即以小技論文章亦堪况
莫謂工雕蟲輒使天真喪不見子雲言如火宿彌壯
雌黃競時賢聲名吾甘讓蜩鳩能笑鵬未知孰為妄

又

李白本後人天漢翔雛鷁杜甫自詩匠五嶽宗崑崙
身後留文章寒芒麗星垣千古風雅途果許誰窺藩
君子道欲消僉夫乃多言妄作喜囁嚅群蠱方紛繁

亥駒日以爭丹鳥日以喧吁嗟世間物蠢蠕安足論

又

首陽既云歿柳下真吾師所貴達識人與世相推移
汧流別涇渭覽鏡分妍媸大道固弗許末俗尤深嗤
申生讒莫白伯鯨功難施作忠以造怨靈均每與悲
傷哉憤時淚欲化綆與縻古人亦有言廉吏不可為
破巢併毀卵鳳凰豈來儀區區腐鼠懸僅可招饑鴟

又

龐公隱鹿門目豈有劉表無端謝東山出則為小草

仕宦非不佳，囂塵苦相擾。須知踈嬾人，所托宜枯槁。
萬事付沉冥，餘生許林沼。鳳德未嘗衰，吾愛孤鴻矯。

又

醞雞在甕中，聞見僅方隅。未偕海若遊，河伯亦為拘。
六合本微塵，萬古猶須臾。置身蠻觸間，殊足供胡盧。
曠然得大通，今乃忘江湖。全形與抱生，果在思慮無。
不覩庚桑楚，特戒南榮趺。

又

吳坂驥躡躅，伯樂渾如雨。荃蕙化為茅，孤芳愈悲楚。
目覩江河流，幽懷鬱難吐。原嘗世本棄，但知誚鄒魯。
寂寞廉隴賢，緬想竟終古。紛紜競蟲沙，志未堪數。
韓信亦何人，羞與噲等伍。

又

世路非砥平，物情忌弦直。蘭並雖有芳，成林聚荆棘。
西方既多蠹，南方復多蜮。黃雀隨蜻蜓，禍樅固難測。
委順恐未宜，避趨愈滋惑。龔生天天年，管寧守龍德。
同為君子身，行藏異失得。何況五鼎烹，由於五鼎食。

又

鷓鴣聽鼓鐘其心未嘗樂澤雉入樊籠飲啄寃奚若
可憐羽翮疲終年悵棲托里居人事非客遊世途惡
北軌並南轅嶮巖已如昨引首望浮雲徒羨羨寥廓

又

鵬化鷗自潛大造無偏私人生宇宙間逍遙亦其宜
歎息時景過飄風比猶遲方見秋蛾飛春蠶忽成絲
千齡會歸盡六龍每西馳朝喜非扶桑夕悲詎崦嵫
彼哉齊景公牛山淨空垂呼吸求松喬長年亦何為
死而有不止真壽乃可思單豹徒養內餓虎能食之

又

此生竟何寄反覆思良籌古今浩煙海寓目隨生愁
辛苦著作家其書汗馬牛挂一必漏萬博識終貽羞
性命理至微願言力鑽求媿非鄒魯儒說彈且紛糾
法言準論語元經擬春秋成都在河汾已欲齊尼丘

又

人事誰是非天行屢陂復所以苦縣言為腹不為目
莊生常畏犧賈生更愁鵬雖負高世心意見亦迫感
莫與尚平期莫向季主卜賣藥可韓康求僊自梅福

誰知汗漫游不出半間屋有酒且細斟有書且徐讀
夢遊青原山

滿眼煙雲滿耳泉紗幮竹簟意悠然北風吹醒遊山
夢記別青原又半年

又

白雲多處駱駝峯獨向深林踏虎踪推枕幾回思舊
路石橋行盡老僧逢

讀淮陰侯世家感漂母事

烹狗何須怨未央當年漂母語先忘區區一飯猶思

報莫怪三齊請假王

稚子泌請反其意又題一絕

王孫總不受哀憐進食高名久已傳若使今人封楚
國肯教漂母話千年

卽事

草間絡緯語如絲紫豈花開可一籬午睡乍醒塵榻
冷攤書剛值雨來時

遣懷

閒夜過偏永拋書轉欲愁貧中羞對月病後怯逢秋

螢至窻知淺燈吹廡覺幽遣懷何所賴濁酒在牀頭

雨夜

風雨秋堂燭半明
茶雞喔喔報三更
酒闌思讀荆軻傳
却恐牀頭劍有聲

天意

天意銷磨萬井煙
金多也莫買婁田
年年八月風和雨
只為田中種白棉

苦雨

后土乾無日疇能補漏天
正當離畢候豈比伐邢年

已隔三秋友還荒十畝田
傷心同杜老空泣決明鮮

又

昏墊最堪傷難逢白日光
波濤長漏谷螺蚌忽登牆

萬里雲俱黑千村稻已黃
徵科民牧事若個備商羊

又

泥塗真可感流潦劇縱橫
總畏滂沱勢兼嫵浙瀝聲
地如山帶出屋盡水衣生
此日為魚嘆曾聞陸士衡

又

爽限商秋意連旬颯暮簷
馬牛誠莫辨鶴鶴不須占

述志憐張協裁詩憶謝瞻披雲方竚望愁殺又廉纖
書卧初起

美睡長宜午華胥是我家莫將黃妳笑曠有黑甜誇
簾色涼侵竹鐺敲細沸茶轉憐塵世事袞袞鬧蜂衙

見庭桂

一庭秋色透窻紗月殿無媒也自嗟獨步偶吟招隱
句舉頭偏見小山花

聞闈信有感

又是秋風好閒身省作場郎君裘馬貴先輩姓名香
瞥眼槐陰綠闈心桂子黃壯遊誰不忝奏賦動明光

又

莫倚時名噪飛騰豈自由俱傷仍擯鼻虛擬必龍頭
運合隨年忒才難與命謀故人多李廣寥落望封侯

又

多少升沉事前賢讓後生空傳臺買駿忽覩谷遷鷲
意氣歸飛動文章笑老成從來推國士要使一軍驚

又

自顧年踰壯名場付浪談飛黃心已懶守黑語仍慚

敢擬三無愠

予得預賓興凡五戊子歲自不願就試唐子則以坐事阻其實被駁放者為辛

卯甲午丁酉三次

偏宜七不堪制科餘故紙回首笑沉酣

時方

閣罷帖括

生理

生理原知拙從來賴筆耕經師吾亦媿儒術世方輕

添得詩千首銷將酒百罌硯田今變海荒熟不須論

又

十載枉埋頭丹鉛逐輩流那知花樣改喪復劫灰留

俠客能屠狗高人解僧牛此中衣食在溷跡亦良謀

東鴻調下第

永錮君傷我雄飛我望君年華徒鄧禹時命竟劉蕡

郭淨下秋月庭空來暮雲相看樽酒在不覺倦論文

且喜

且喜幽懷展南榮坐悄焚香羨甘白小軟飯飽紅鮮

草色晴窻下雞聲午枕邊餘生何事業剩許托殘編

九日淮陰寺雨

又值顛糕節休辭冒雨遊連年身在客

唐子九日子客吳門辛丑

九日子客白下壬寅九日子客南州

今日寺宜秋歲月頻吹帽江山獨

倚樓泥塗歸未醉難豁萬端憂

大醉後口占

生不願作八州督但願美酒終年飲長足亦不願受
萬戶封但願快友數輩時相逢神僊富貴吾何有倏
忽秋霜變蒲柳方學酺槽且醞醅燈前肯憚如澆酒
我所思兮鍾子期黃金鑄成知為誰我所思兮平魚
君買絲欲繡徒紛紛老驥伏櫪志千里白眼橫看劍
光紫酒人自古狗屠中明日悲歌向燕市

自課

南華閱罷每晡時慣起殘杯讀楚辭最是連宵閒較
少燈窻添卷放翁詩

追和顧麟士先生織簾居詩原韵伊人索賦

先生耕釣處十載掩柴關苔破惟存徑煙窮始見山
學因傳世重人為讀書閒古道畱門巷蒼然照客顏

秋光

恰宜杯酒恣清狂烏桕微紅菊漸黃辜負秋光先一
半三分風雨二分忙

自遣

無才托隱淪悠忽且吾身
樸學羞逢世虛名欲避人
詩從腸轂轉酒恃膽輪囷
細審行藏理悲歌未損神

又

時會成予志窮居亦足豪
句思追鮑謝書愛讀莊騷
籬畔多芳菊樽前每巨螯
往還黜輦好連夕困香醪

又

但覺山林遠寧知道路難
枕楮聊飯罷書捲止燈殘
鬼褐裁終穩蝸廬住竟寬
相親餘匣劍寂寞強為看

又

此日滄江卧人間萬事慵
占天知退鷁學道慕潛龍
連歲徒為客全家始學農
古來棲逸者知否得相送

醉中舟過崑山

蓬窻小雨暮蕭蕭柔艣聲中酒未銷
不到玉山山自倒等閒行過玉龍橋

出郡城

酒樓纜下日將黃又帶西風上野航
忽憶放翁詩似

夢畫船歌吹入盤閭

陸放翁詩安得扁船明月夜滿川歌吹入盤閭

又

閭闔煠色不堪描
哀柳愁看暮萬條
翻喜船人相近
報千家燈火見
楓橋

虎山橋

虎山橋畔夕陽多
塔影湖光指點過
不待霜天閭葉
下秋風先憶洞庭波

奉慈庵即景

山庵欲訪踏斜曛
十里雞聲破白雲
童子開門師已
出滿階黃葉落紛紛

訪復見心遺事漫題一絕

鄧尉山舊志載復見心為奉慈庵僧然乘可
可據也或被召過蕪曾寓於此詢之庵僧遂
不復有知者

禪林文望震江南
萬壑千巖勝遍探
自咲吳儂無眼
界奉慈庵裏覓蒲庵

蒲庵乃見公號也萬壑千巖澹泊身亦見公句

宿曹氏丙舍

曹氏丙舍在奉慈庵側為樓三楹舊未有名
予連夕宿焉以其四面皆山欲取歐公醉翁
亭記篇首語名之

明晨鄧尉自佳遊一榻先為此地留倘許他年傳故

身皆山樓繼養間樓奉慈庵故有養間樓元末里儒徐良夫好客四方賢士多集樓

上見都南濠遊郡西講山記

其二

也知三宿戒浮屠其奈青山興尚通昨復酒醒茶喫

後老僧劉說趙凡夫樓上有老僧居之自云少時曾典寒山居士趙官光相識

京墓

叢林玄墓普天葺鄧尉山名總不分此地荒墳和古

廟相傳刺史夏將軍

萬峯和尚塔院

不辭松篠屢攀登古院俄看在上層塔併湖山成勝

事碑隨風雨護神僧灑門一偈當天日和尚臨終偈云懸崖撒手

果日宗印千巖續燄燈和尚得法於千岩長公饒舌却思全室

叟又從倒樹覓枯藤和尚語錄為全室泐公序

鄧尉山

投足名山自勝緣上方金碧揀蒼煙湖光忽迫樓邊

月秋氣爭高塔外天客辨風幡趺座處僧看花雨講

堂前閒身便擬終蓮社日日袈裟共泛船

聖恩禪寺

山河眼底總虛空
寶刹千雲地自雄
佛灑空知來鷲
嶺鐘聲不礙到龍宮
松梢月正階前落
竹筧泉能屋裏通
為問客寮行脚者
幾人心與老僧同

前生

每逢蘭若便多情
愛聽松聲雜梵聲
吟遍曲廊到夢覺
方袍圓頂是前生

茆庵

茅庵恰面太湖灣
圖畫堪銷半日閒
最好推窗來雨

氣米堆山作米家山

費家河

登舟回首見青螺
何限風光付水波
三日山行都不覺
今朝難別費家河

哭楊令五

雞壇風管最相親
追想風流自可人
笑諾有心能季布
賓朋無日不陳遵
通才共羨窮偏俠
真品誰知死竟貧
賜斷書樓深鎖處
遺文幾卷伴灰塵

其二

那堪漬酒束生芻愁絕招魂問楚巫丹旄倍應傷老
母青箱併免悞遺孤令五竟無子十年作達原憐爾一夜
談禪轉痛吾數日前曾借令五遊鄧尉山徑宿曾氏丙舍相與談出世事遮莫彭
殤新省破撫棺雙淚不能與

再宿西田

西田勝地也其妙尤在於夜憶予乙未季秋
宿此曾以四律紀之今復有作

楓林如畫晚秋天又是尋幽入輞川酒熟正開臨水
閣燈明仍泊到門船黃花乍別晨偏好白月追思簪
亦圓何日誅茅鄰此住桑麻雞犬過殘年

偶題茶館

清閒几案小窻紗黃菊仍開屋後花十日坐談應不
厭馬鞍山下賣茶家

若問

若問生平事胸中天地寬千杯傾自易七字就非難
好飲陶元亮能詩陸務觀風流真我輩堪用洗儒酸
長至

予自乙未迄壬寅八季以來凡過長至皆客

中也杜陵所謂年季至日長為客情境逼似
之矣此月二十三日復為長至始得在家朝
餐甫竟坐南窻下手煖弄筆遂成四十字

獨喜書雲節鄉園此日臨往來忘世態消息悟天心
窻白人偏靜爐紅屋自深八年追管夢多少客愁侵

醉鄉

醉鄉有記不須刪酒伴相邀好趁閒十日總同十日
論平原何必異中山

西維太傅呂公忠節詩

崇禎十四年之春雒陽城下旆烽塵鷄火墟遭天狗

舐

先是戊寅歲天
狗星見豫分

黎民悉化為黃巾大節精忠萬々

古捐軀殉難惟孤臣孤臣已罷尚書職灑泣登俾親
草檄平原止見顏真卿涇州正閒段秀實憶昔留都
尚晏安幾番蒿目籌兵食也知填海事原虛南庾南
樞且拮据未能功繼裴中立剗有言傳陸敬輿隻手
撐撐竟何補紛紛貝錦讒人怒自是癡腸忤要津寧
因微罪懟明主歸去還耕故國田獨念鄉閭周疾苦
賑荒未了干戈起白馬青袍衆如蟻官軍繼賊々上

城樓四面皆流矢北向再拜謝君王臣力竭矣臣將
死嘔血猶傳罵賊辭彷彿銜鬚同嚼齒周公廟前天
與光顯捨七尺扶綱常滿城共哭呂司馬不異唐代
張睢陽即論慷慨本非易况復從容亦靡媿居恒學
問驗於斯孔曰成仁孟取義遺編鄒魯溯淵源分明
伊雒存苗裔始知夢月併生茲如此方堪應祥瑞箕
尾騎歸向天闕俎豆千秋報身歿更喜雙龍得後賢
只今蟬冕高門闕古道蒼涼暎客顏黃河逝水聽潺
湲好看巖巖碑亭在長伴文山與疊山

讀呂忠節公孝經本義大全或問詩以紀之

泣來移孝能為忠資父事君其道同煌煌殉國呂太
傅精誠貫日凌蒼穹却於孝經忘寢食編摩排纂推
專工追維晦蝕此書者祖龍始之荆舒終春秋詆作
爛朝報孝經能不悲塵蒙先生慨獎撫遺緒孔曾宗
肯心潛通鉤河擗雒闡微妙欲繼縹筆垂乘窮直從
秦坑撥煨燼竟似魯壁聞笙鏞當時書成太和釀芝
十八本開庭中祥徵况疑感北斗黃玉下降為赤虹
卓哉此書重天壤弘壁大貝均尊崇若能用以治當

世啓禎何止超熙豐古今卞惇與闖獻盡化甘雨偕
和風

哭何言服

歲序逢單闕秋冬哭友頻揚修悲正劇

時方哭楊子令五

何

遜訃還新誰料同心客俄為隔世人肩隨俱磊砢膽

吐自輪囷一顧同知遇

予與言服俱為學憲張公首拔士

三年各苦

辛

別言服已三載失意頗與予同

轉嗟文尚在欲托信非真白鳳才

寧盡青蠅恨未伸五窮終莫送九辯更誰陳夕照西

州路晨星北海賓勒絃徒結憤掛劍益傷神夢冷空

梁月魂驚畫翠塵可堪聞笛淚酒罷即盈巾

夢楊爾序先生

閩中楊爾序先生以孝廉司鐸吾婁予最辱

知愛方先生在吾婁時正值亂後室家復聚

一時皆詫為竒大司成梅村先生曾作閩中

行贈之未幾遷閩連江令海上兵入城陷不

屈自經死其事已十餘年矣癸卯十二月二

十五夜忽夢謁先生於州岸之嘉會堂先生

袖出一卷文字授予曰子知之乎此吾蜀人

揚子雲筆記也予讀之字句與澁不能下先
生笑曰固知非子所能讀吾藏此書三十年
近日始獲卒業耳予問書何名先生曰名崑
崙秘錄予又問義何取乎崑崙先生曰崑崙
山乃天地之心九州之脊語未竟聞戶外訶
殿聲有貴官來訪騶從甚盛先生出迓之予
亦遂寤曉起檢先生集甫展卷適覩乎揚雄
賦一首驚歎精爽不昧乃有如斯者敢追誌
以長歌稍為次其生平始末云

關西伯起真神人岷峨秀兀鍾其身倚授博覽識竒
字離々曾次羅星辰虞典殷盤拄脣齧籍湜流汗奚

堪偏閬州城南闕閱古學問淵源承水部

水部公先生尊人也

稚齒鴻文屈馬儔蚤開突奧升堂庶著成詞賦謁甘

泉談笑行將動明主那堪故里隔烽煙况復中原躡

豺虎盡室飄零各一方微官淹泊非吾土梁肉安能

飽鄭虔妻孥不免愁杜甫寒壇落拓影蕭然吏隱婁

湄似守玄忽得嘉陵書信到俄看剪燭話窻前十年

是處干戈滿萬死誰家骨肉全此日崿嶮剗蜀道此

時跋又天萸花荔子迎遷客恰宜僊宰飛雙鳥

曉暑焚香彈定琴午廳拂硯鈔周易揆卷惟思活困

疲折衝併善籌疆場何期海國亘妖氛竟使長鯨突

乘隙乘諸臺畔陣雲橫密邇鰲江倍震驚陳羽遺軍

高築壘盧循餘衆廣屯營登陴四顧樓船逼難出重

圍請援兵莫道素心乖往昔須知定力賴平生汝曹

枉費蘓張舌

敵師亦蜀人與先生同姓屢遣使來說降

我自為臣守臣節

廿載萍踪七尺軀可憐遙與君親訣黃昏空閣佛燈

青澁容挈印投繯絕慷慨惟御溫序鬚精誠欲化萇

弘血愛壻伶仃僮僕稀扶攜險阻淚沾衣扁舟仍傷

閭門宿旅襯纜從閩嶠歸正氣英風豈銷散後來良

史供排纂修墓應求續下彬旌勳還望加陽瓚幾度

招魂每斷腸幽居宋玉歷星霜清宵夢寐通靈爽被

髮騎麟下大荒殘編鬻翰收藏好猶憶衙齋手謄彙

回首玄亭問字車侯芭雖在拒譚老嗚呼劇秦美新

羞已蒙雕蟲篆刻後誇工先生寄托亦偶爾人品寧

止超揚雄千秋作者今揚公

自閱詩彙題以六絕

二十年來學苦吟每於老許歎知音近交陳十和王

七更快能窺作者心

八日靜字虹友後先選予近詩去取小異樊俱當予心

其二

從來樂府推高手擬議非難變化難曾到延津知劍
太傍人猶作刺舟者

其三

剝盡鉛華悟自存才情爛熳不須論詞壇莫漫誇佳
句近日方知學五言

其四

流離兵火最堪悲花酒追歡也足思腸斷向來哀樂
事中年重檢少年詩

其五

不妨萬事少竿頭獨有吟懷憊未休何日篇成堪自
信居樊杜老在夔州

其六

憂玉鏗金盡我師婁江風雅自如斯碩園尾續真堪
笑請讀東倉十子詩

碩園詩稿卷廿一之下終

碩園詩彙二十二卷

甲辰

醉吟

香山居士古先生觴詠吾今亦有情
總愛百觚人磊落敢誇八斗墨
縱橫典衣換得花如咲刺燭撥來鬼
欲驚若論詩懷憑酒膽放翁未許傲淵明

放翁吟灑
最富其村

飲詩却云自覺勝
淵明但飲不賦詩

再疊前韵東九日諸子索和

思苦何愁太瘦生中山酪酊足陶情
池心草自吟餘長屋角參從醉後橫
酒德並隨三雅重詩才寧為八

又驚諸君不淺銜杯興大可揮毫趁明月

花朝作

一壺清酒坐花前正遇東風大放顛漫憶去年今日

事木蘭舟泛木蘭川

任昉述異記云木蘭川在尋陽江

題易水送別圖

生死燕秦路幾程蕭蕭易水畫難成却疑紙墨俱窮處忽作歌聲與筑聲

春色

幾點花飛社雨晴斬新春色正清明素心人別書空寄險韻詩拈句未成堂冷又過巢燕語窻虛偏入紙爲教自知顛顛年來甚不待樽前百感生

曉起

春來愁思浩與涯以為無錢酒懶賒曉起捲簾還未覺窻前開過玉蘭花

壽李大宗伯太虛八袞

函谷青牛有勝因蟠根仙李色長春田園綠野裴中中立風月黃冠賀季真地自衡廬瞻氣象人從龍馬見精神八季歲本尋常事笑殺莊生詫大椿

又

靈光突兀大江西自晉龍門擅品題已見後蒼皆柱
石即看蘭玉又金緋千秋事業東山在八代文章北
斗齊屈指飛熊應有夢闔園今日是磻溪

又

八百成都蹟並畱還鄉仍話廣陵遊龍光南極垣中
氣鶴筭東湖雨後流青玉扶來雲染屐紫綃歌罷月
穿樓麻姑送酒道曾誕家傳真堪補鄴侯

又

天教五老恰同鄉佳候梅花更晚芳共信生申原降
嶽懸知醉白可名堂東林社近禪心妙北海杯寬客
話長此日謫僊才正健屢攜吟筆上滕王

開帆

又作金陵客開帆正綠波山川詩主領花月夢銷磨
春事蹉跎易江散感慨多轉愁前路酒無奈柳條何

呂城閘

陸務觀入蜀記云早過呂城閘始見獨轅小
車過陵口見大石獸偃仆道傍已殘缺蓋南

朝陵墓則陵口殆與呂城密邇惜舟中失攜
潤州志莫從考證嗟呼自放翁至今又四百
年矣陵墓遺跡固宜與一存者笑而重可慨
也繫之以詩

孫郎當日吞江東江頭屯戍城呂蒙重鎮丹徒壤伊

邇想見十里旌旗紅六朝築堰相沿久是閘皆云竝

京口

自宋祖以來天下置堰軍凡四處而呂城及京口二閘在焉

往逞其傍置寢

園後來銷化歸何有楸梧遠近總荒煙惟見牛羊耕
墓田渭南陸叟曾經過嘆息猶傳乾道年青蓋入洛

識竒異結綺臨春亦兒戲故物如聞石馬嘶空臺共

滴銅人淚殘碑廢碣夢淒涼腸斷花開遍野棠漫艤

孤舟尋舊跡併與翁仲立斜陽不見秦家祖龍死驪

山之下先如此零落魚燈與寶衣恨血千秋土花紫

漢塚唐陵一樣愁珠襦玉匣倩誰收新時亦有傷心

地近在昇州與泗州

新豐

李太白詩云南國新豐酒東山小妓歌又唐
人詩云再入新豐市猶聞舊酒香陸放翁入

蜀記以為皆指此非長安新豐也然予屢過之荒涼日甚蓋古今不同如此

泥牆草店出溪灣唐宋繁華一夢間佳酒那曾聞北府名姬何處說東山

又

荒唐往事總無稽莫認村名漢祖題若使胡寬營此地當年雞犬也應迷

朱方

雲陽纔過又朱方此地興亡話轉長孫策墓前苔片

綠王恭樓畔柳條黃大江遠岫迷乘際細雨輕帆濕不妨回首金山登眺處十年桑海恨茫茫

距今已十年餘矣

江行即事

盡日西風細雨飄江流安穩木蘭橈世間何物能銷酒眼看青山耳聽潮

又

誰寫乘風破浪圖從來粉本落江湖扁舟我亦滕元發却怕人呼偉丈夫

又

春江如箭艣殺柔昨日輕帆過潤州莫問孫吳何事
業亂煙荒草落星樓

左太冲吳都賦整我旅宇落星之樓杜建業東北十里

夔子磯

絕壁夕陽邊經過意惘然烏衣前代夢白浪上江船
岍削分雙剪峰孤出一拳興亡謠識在指點話金川

聽棊

斗室助燈明春宵夕如水簾開更無風攤書滿烏几
一編手且哦匡牀屢眠起隔窻者誰歟敲枰落殘子

吾非奕後偶聞亦知喜譬之不飲人時能悟酒理
擔糞比着棊東坡戲言耳

靖公齋中劇飲得和字

正欲成佳夕朋良酒亦和千觴人未倦三載話偏多
舊雨愁中得殘春夢裏過絕憐投轄意為我善悲歌

作客

任客逢春盡清愁已慣經黃橫朝暮雨白下短長亭
千里樓王粲三旬榻管寧不堪開倦眼依舊蔣山青
出聚寶門間步竟日隨意所之間詢往蹟得六

絕句

江山形勝古來爭，舊築人呼范蠡城。誰唱如花越臺

女浣沙，溪上可同殺。越臺即越城故址，在長干里。范

蠡所築，後人悞謂越女嫁江南國主為妃，因思歸而築此臺。故周紫芝邦彥遂作越臺曲。

又

金銀樓殿插天看，半是雲光舊講壇。數遍南朝蘭若

地，小長干接大長干。

又

寶塔金輪浩劫存，斷碑卧舊山門傷。心最是長干寺

喚過天禧，又報恩。長干寺本梁天監元年立，宋時改額為天禧。

又

山閣雲來四面遮，老僧留客自煎茶。佳名到處堪題

咏，欲把松風配雨花。松風閣名在雨花臺。

又

燕子飛來故國空，金川遺跡總西風。只今聚寶山頭

廟，却有方公更景公。正學祠，倚新。建景公清祠。

又

孫楚當年舊酒樓，相傳李白夜曾遊。我今也醉黃壚

畔只少紗巾紫綺裘

雨歇

雨歇窻猶綠凝眸未夕陽濕牆蝸篆曲陰壑蚓歌長
客過拋詩卷僮歸得藥方真成銷永晝茶聚一爐香
偕張子孝緒閒步秦淮遇家惠叔拉飲酒樓

此中合喚仲宣樓便脫青衫坐上頭我意欲將江變

酒人間那有斛量愁弟兄萬里張雷劍惠叔魚籍師

友千秋李郭舟孝緒受業於予漫倚欄干聊一笑儘宜酌

話封侯

秦淮偶泛即事口占

十番絃索競喧闐不是歌筵即舞筵開殺秦淮惟五

月河亭日日看燈船

又

綠楊深院見應稀誰許簾前燕子飛獨有撩人春色

在畫欄偶立小青衣

又

芳艸迷離古渡幽青帘隱隱映船頭分明昨日題詩

處綠水橋邊第一樓

又

畫船簫鼓往來頻
白袷應沾汗雨新
莫道蘇州多好
事山塘此際已無人

聽胡章甫歌贈以五截句

南音舛錯北音亡
此道推君獨擅場
欲借三絃存古

調蠅頭細字譜西廂

又

一曲真堪靜四筵
驪珠串吐俱圓
非絃非指非喉
舌妙處原來在不傳

又

水調歌殘已落暉
燈前重奏更沾衣
無端畫出蒲東
寺五月能教黃葉飛

又

陽春和寡不須愁
絕藝天教遇勝流
莫道賞音今世
罕吾家先有一廉州

章甫自云往過家廉州
兄甫奏一曲即大稱賞

又

秦淮揚柳尚青青
唱徹陽關酒半醒
此去右軍觴詠

地好將絲竹補蘭亭

時章甫將往山陰應
王蒼嵐少恭之召

醉畊堂中歌贈吳冠五

今春曾讀司農詩延州名士深予思王修能拘孔北海
死生涕淚為雙垂司農尚滯青齊謫黟山吞天僅
咫尺不信長身玉立人忽作醉畊堂上客多君慷慨
誼千雲所見猶為過所聞最愛酒情如僕射更竒詩
致似叅軍把臂論心洵吾友湖海元龍世希有意氣
寧須媿黑頭功名未肯隨黃口相逢岐路歎無成自
顧頭顱忽欲驚蹉跎屢失三冬業游戲須尋五嶽盟
君向何門跋珠履我自芒鞋返鄉里莫問雞鳴庭樹
枝此夜燈前劍光紫

贈吳介茲

吳郎年少無室家自言身計如風花傲骨峻增眼光
白獨攜詩卷遊天涯痛醜豪吟總悲憤五嶽胸中起
隱隱走也欽欽歷落人頗謂襟期與相近一朝邂逅
秣陵城班荆握手聯心盟燭下滿杯曾百罰牀頭深
話輒三更笑語吳郎勿酸楚眼前萬事俱塵土我意
方思禰正平君才恰似揚德祖倒指往昔多英雄灰
飛煙滅俄空莫道桑田異滄海莫道猿鶴殊沙蟲

由來世路紛憂患男兒鞵馬惟婚宦
笑殺當年向子癡須知五嶽都虛幻
吳郎醉我酒我為吳郎歌夜闌
解劍頻摩挲鄰雞敲咽街鼓急
仰視簷角垂銀河

周園客見予乙未冬即事戲贈八截句而愛之
出便面索書不覺有感聊次前韻

自是情多易買愁十年前也到青樓

乙未迄今
怡十年矣憑君

莫話章臺路此是傷心第一籌

又

老大才情擲道傷羞言長恨與連昌
青衫縱有啼痕

印不是從前舊粉印

又

泥他月姊共花姨一種癡情若個知
不道周郎能顧曲燈前索寫懊儂詞

又

枇杷門徑草平鋪蛺蝶鴛鴦影已孤
記得憑欄銷薄醉柳梢樓角月明烏

又

揚州一夢幾曾賒薄倖分司比不羨
吟罷鬢絲禪榻

句落花風起正煎茶

全首用杜紫微詩意

又

歌筵昨復又深更哀樂中年倍繫情一曲漢宮人出塞那堪偏聽琵琶聲

又

萍踪忽憶在西江欲買雲間鯉一雙多少紅箋都擘盡只將恨字寫書窻

又

樂府金荃薄有名曾誇彩筆似飛卿脂香粉艷新句抹猶喜多生業力輕

醉汪舟次

汪生傾蓋長干曲贈我新詩昨乍觸筆花墨繡自何來奇哉咳唾皆珠玉方今江左盛詞壇牛耳應知定相屬人言汪生因讀書鄴侯架中後蠹魚人言汪生因結客他家豈與鄭莊驛乃知汪生之名起維揚汪生文章意氣誠非常明瑤美璧世所罕寧與砒砒藥石爭低昂絕世風流業心許得君真只空儔侶願學彌衡與孔融交契忘形到爾汝刊閩流水婁江雲識

面未久俄離群百壺已難日共醉雙鯉莫惜時相聞
答君詩感君意一事流傳最堪異不見東淘吳陋軒
詩篇行世君之賜後來名士定憐才所由昌歎多奇
嗜嘆息今人此意亡黃金欲鑄汪舟次

東歸自嘲

書劍蕭條日暮攜倦遊乘賴不成歸祇應生色惟詩
卷添得金陵幾箇題

舟泊江口

蒼莽煙濤亂拍天閒看三老畫攤錢阻風中酒過今
日聽雨焚香憶往年歸夢欲飛京口鎮客程猶滯秣
陵船凭窻最是傷心候戍角嗚嗚夕照邊

莫問

莫問南朝是李唐三分先此有周郎降幡舊已成閒
話戰壘新猶滿夕陽潮落潮生天地老人歌人哭古
今忙英雄到底無憑據枉被江山賺一場

逆風

鏜鞳船頭屢作聲如山疊浪最縱橫總因風逆偏堪
喜為我胃中寫不平

蓬窻

客路頻寒暑蓬窻慣寂寥閒憂書易盡倦怕酒難銷
柔艣初生月孤燈正落潮五年遊子况誰與話今宵
客金陵歸偕陳子靜字及次谷弟同集子存叔
樹德堂中靜孚首唱栢梁古體七十四句輒送
子存叔後依數奉次併示次谷弟令共和之

出門兩月踈朋儔回程獨喜江帆道今朝唱和誰最
優陳子逸韻凌高秋吾家嗣宗晨夕遊惠連相就成
淹留同時車轄便可投析疑攄抱殊綢繆驚才沙苑

馳駿驕妙辯玄圃飛琅球四座意氣皆橫流正似乳
虎能食牛五車二酉供冥搜丹笈綠字羣詢詆掣扇
抽簞窮僻幽是時觴詠將雜稠花發墻角森葵榴披
襟快當風颼颼筵前奚奴洗玉卮片雲昏黑催上頭
撲髻敲臼瞪吟眸隨呼杜康散千憂餅甕手拆泥親
搯堆盤俎俱蘭羞脫畧禮節忘獻酌惟我與爾真羊
求談餘文史傷羅菟大戶肯怯鴟夷浮更兼有客稱
善謳座有姚君度曲宛爾薰籠併茶甌呢呢閨閣鄉溫柔驪
珠徐吐從嬌喉袒跣呼盧屢分休夜闌縱橫尚觥觥

起吹鐵笛驚龍湫銀蟾乍皎煙霾收樹影在地如蟠
蚪水晶簾几涼衾憐握手惜別情悠悠感慨歸拂雙
吳鉤自憐詞賦徒枚鄒落拓恥問衣食謀雅慕棲逸
騰滄洲擁者朱輪呵者駟業知富貴今與由連年作
客痲難瘳齊葵豫章星霜周向平五嶽志亦伴婚嫁
牽率仍逗遛文章既受真宰讐朋交四海鮮匹速仰
面莫訴傷靈修天實為之命不猶吁嗟於人又何尤
願言帶經鉏且援林樓十畝餘東疇窻間曉可聽鳴
鳩池邊晝可觀輕儵歲豐倘然逢滿篝種瓜種秫聊
優游牙籤挿架恣檢抽奚羨朽貫黃金鏐或拾橡栗
充裹餽逃名負薪行披裘齷齪笑殺干公侯錢刀兒
女全垂疣斯語固足解嘲啁未知致此還能不展轉
默坐思良籌黎明爲雀俄喧啾旭日已出東南樓人
生萬事銷芳菊不如痛飲長澆愁

即用前體贈靜孚併東子存叔次谷弟索和亦
得七十四句與前詩一韵不重叶

甲辰斗柄揅孟陬椒觴醉我逢太丘幽禽屋角鳴鉤
輶痛飲丙夜還呼散候忽節序過蠶麤秦淮歸路維

蔥鷲蔥鷲舟名

星氣重聚東吳婁吾叔文讌邀應劉子更

名弟如傳却樹德堂內鳳鸞羅設圖史搏彘肖槐

陰賭酒敲紋揪有弁欲側難球球妍辭麗句窮雕鏤

陳生筆底飛琅璆巧思棘端刺母猴迅勢饑鷹歛離

鞞叔也弟也屬和哀光彩燦爛琉璃球憶昔交子衣

乍樞李白頗識韓荆州低頭下拜隨轅軸譬鹿求友

鳴吻吻食草食蒿招麝鹿最欽襟字無競綵兼春溫

和秋歛擘發為詩章九翔彪五車十乘恣繹細蚤夜

勤苦銷膏油驅迫使來就且累著書兀兀面棟桴品

藻今古人焉瘦褒則華袞敗斧鉢商銘周雅皆盧牟

出入韓杜包蘓歐便習儼若吳兒泅體裁臺閣容冕

旒千騎萬帳交旌旂采色藻火彰皇猷或列繡榻塗

彤髹

景福殿賦列髹彤之繡榻注云畫文繡之色於椽上塗以彤漆

青黃紫綠緇紺

緇音調鈞天樂潛偷昵昵何用秦箏搗逮夫簫管笙

瑩篔精鑿穀米既舂揄又復繼以簸與蹂未蒸先釋

聲叟叟前驅中堅盛貌貅虡勇突揮二丈矛日落戰

氣酣兜鍪東冒踊躍猶魏犢忽焚三閭弔纍囚吟薜

荔拍嗟蕙綢香冥山鬼隨鴝鷓陰靈夜半啼骷髏媿

余小巫非好仇客裝頻年彈劬緱硯田久已成甌窰
拊躬自知等毛輜較爾篇什殊薰蕕分明閭媿視宿
瘤宛似蛟龍並泥鯁撼樹寧敢為蜉蝣却蒙收採充
勃澣感茲雅誼能蔭庠詞場庶敵衆楚咻嘆息此道
多螟蟲不知妄作紛罪訖公安竟陵畫渠溝我欲除
之付鬱攸願言終身執轡鞅四子合志稱同禍酬唱
免傷予美併避世長學忘機鷗

偕靜字及子存叔飲次谷第齋

學圃吾家仲頻過醉不妨遊仍陪大阮友更得元方
莫問屐幾兩只餘書一牀北窻涼自好幽意共羲皇

哭朱令蓉

不謂心期友如君止若斯嵇琴亡可悼賈賦在逾悲
彩筆沉黃土金風冷絳帷杜陵存歿句吟罷淚雙垂

又

管我嬰羅網書來爾意真

予庚子被急徵北上時令
蓉昭書見慰深感其意

睽違過幾載零落到斯人地脉山積玉天心歲在辰
元瑜今異物追憶苦傷神

又

磊落丘希範

逝

崢嶸盛孝章

示珍

升沉雖異路意氣總

同堂身後交仍在生前慨易忘修文偕地下携手况

何即

謂言服也

又

獨憐公叔意嘆息語猶傳

令蓉嘗與予相約欲開門謝交游

畸性愁

非病竒才妬亦天痛深原夙昔驚絕更同年

令蓉與予同以

丁卯生年

忍見應劉減抽豪屢仲宣

客冬方作哭言服詩故借用謝希逸月賦

中語

題黃又文蟲豸詩

黃子又文示予蟲豸詩六十首其工妙不待

言而托諷之旨甚廣媿不能和題以八絕句

蟲魚箋遍字尖新胃次依然磊落人者取視池翻墨

浪頓教蝦蟇現龍身

又

爾雅分名細訂刪只爭足趾有喪間將來隳括飛游

輦不比盧程罵任園

後唐盧程罵任園曰公何等蟲豸

又

吟壇原駭此曹俱其奈蠅蚊滿八區自古詩人多諷

刺總因猿鶴世間無

又

人世何勞問鼠肝詩成應笑語冰難分明杜老雞蟲
句山閣寒江一例看

又

山陽殘笛感遺蹤賦體騷心秀自鍾彩筆又驚今小

謝雕蟲何必讓雕龍

又文為七友
衡水之第

又

秋宵端合以蟲鳴好為人間寫不平無可贊君惟一

語承蛸妙手屬天成

又

齋物年來洵我師因君佳什忽追思自從罷讀招魂

後赤蠹玄蠶總不知

又

陽春欲和氣先降誰似龍文健筆扛掃盡蠅蝨和蚓

調孔璋傑出仲宣雙

一時屬和最多名作子特所
見而言蓋指陳子靜字王子鴻

調家叔
子存也

計登病起示予新詩走筆東之

似子真吾友，雖踈亦不妨。瘦應同沈約，嬾幸恕程康。
尚費吟雲樹，計登病後。無勞夢月梁。十年身共在，感慨莫詞場。

又

此身原錯料，回首忽添驚。爾病窮逾甚，吾衰氣已平。

王郎分落拓

鴻調

朱子失崢嶸

商石

不覺皆鬢星

漸欲生

又

却羨楠莊裏，幽棲不厭貧。才仍雄鄴下，病豈劇漳濱。

荷沼風吹面，蕉窻月照身。高吟多好句，開府並清新。

又

獨我殊無賴，愁城八面侵。難逃文字債，易失友朋心。
唱和緣偏寡，睽携感倍深。故人應笑我，啾唧等蛩吟。

肺病

肺病不宜秋，秋風滿地愁。借書供過目，貰酒仗扶頭。
衣食添新累，親朋減舊游。悠悠身世事，真欲羨蜉蝣。

壽維揚仲容許翁八袞吾友力臣師六尊人也

令子吾良友，先生自典型。名垂高士傳，身作老人星。

松菊存陶逕芝蘭映謝庭他年耆相業韋氏有傳經

又

禪理推京度人偏重子將勝遊多白嶽魚籍歙州全福更

青箱琥珀擎為盃茱萸佩作囊生日近重九節廣陵騎鶴地

從古說僂鄉

賀子存叔舉第二弟

得弟年逾小頭顱我媿兄轉因門戶改復喜鳳麟生
階下蘭仍茁樓前桂正榮已知英物又不必試啼殺
竟夕不能成寐枕上口占

人身寤寐如生死作主還憑那箇來起又不宜眠又
覺分明此際費安排

又

殘燈半盞尚陪儂莫問人間夢正濃學道十年無一
得恓惶剗是五更鐘

壽孝官申翁六十進士茲旃尊人也

黃菊丹楓晴茂苑小春剗到重陽晚此際瓊筵慶攬
揆日擬平原客嵇阮三戟名門笏滿牀簪纓奕葉振
芬芳共欣薇省家聲茂益信槐堂世澤長蘭芽方茁

騰英譽荀龍薛鳳群賢聚才地文章皆絕倫阿鴻忽
已摩天去驚看榜墨色鮮新不作科名第二人曲江
更喜花如笑十里香風馬足塵玉昆金友相磨琢驥
子鷓雛總英卓四代仍傳韋氏經一門並受申公學
竚見蒲輪駕駟迎明堂魯邱授諸生熙朝饋醕扶鳩
杖遠勝躬榮漢老更即今觴祝先堪羨富貴禱僊福
兼擅紫氣齊瞻南極星青鸞併報西池醞吹笙跨鶴
恣遨遊侯棗陽桃亦易求君看綵服盈庭戲咫尺吳
趨是十洲

贈海雲世燈禪師

聞說開山處榮公昔道場宗風三要顯法席一燈長
業淨蓮花漏心空栢子香許詢吾亦忝無語答支郎

又

祖意西來舊原無義句傳歸空寧買犢掃縛自忘筌
慧劍操方利尼珠護更圓眼前三藏在好為砥狂禪

家傳大藏全部
予特以施師

吳門謠
喜撤兵也

連年吳市總蕭條兵氣今朝喜忽銷焚遍婁門香十

里盡將舞羽頌唐堯

又

回天有力竟班師東海依英鴈鷺池
白叟黃童同一口中丞恩德萬年垂

又

京口平江地豈偏綠旗鎮守不須存
從來居重真長策禁旅雄兵自八屯

又

如山巨觴雇夫牽鼓吹轂中雜撻鞭
只願牽夫錢納

後更無人率拔釘錢

讀史百咏

息影茶廬戶絕剝啄雜閱古今史
傳凡歷兩旬偶有所見輒以片楮錄
以遂得絕句一首

電遶虹臨誌降祥史家粉飾鑿鴻荒
却因周雅生民什大澤蛟龍又漢皇

又

箕山原傍許由墳一避依茨世局分
惹得藥城輕議

論竟疑舜禹亦虛文

又

貢金九牧鑄神姦至竟沉淪泗水間秦璽那能如夏
鼎却云國祚亦攸關

又

莫道人臣死不刊賓王陳範事偏難上天預為經常
計特產夷齊配比干

又

廊時靈蛇瑞始開祖龍基業尚胚胎陳倉北阪當年

雉早為南陽紫氣來

又

射天囊血兆亡殷河渭相傳殛暴君武乙後人原桀
宋又看王偃續竒聞

又

湘山伐壽最狂愚他日曾封五大夫堯女舜妃何足
怨要誇功德勝唐虞

又

竒士劉毅楚漢盈為儒也莫恨秦坑白頭叟解亡人

國亞又何來又酈生

又

虛文綿蕪借周旋禮樂豈能待百年
賺得賜金歸第子未流還算叔孫賢

又

垓下歌聲與大風悲歡末路兩英雄
却嫌長樂宮中草不似虞兮頸血紅

又

誰使朝衣碎受誅晚逢勝詭亦捐軀
梁王七國堪同

論爰盜何辭暗伏辜

又

子卿歸國少卿降吟罷河梁各異邦
蘓建有兒能不朽飛將軍狂號無雙

又

弑逆猶將霍顯留禍萌驂乘尚誰尤
弄兒殿下身先死博陸能無媿程侯

又

河南屠伯號徒傳門戶終推孝謹全
萬石並稱君與

姬原知建慶勝延年

又

招權五鹿勢方張
悞倚揚興竟若狂
到底外庭難勝
內石君房殺賈君房

又

炎鼎潛移自宰衡
三年居攝篡俄成
回思軹道除秦
日始信興亡一子嬰

又

銅馬從教作帝呼
平生志在執金吾
蕪萋亭粥滹沱

飯天與真人赤伏符

又

陞戟終為井底蛙
來岑連喪亦堪嗟
伏波戲語非無
謂刺客原應蜀帝誇

又

死友誰堪慰九京
復讐垂歿俠堪驚
那知元伯心中
事不許君章許巨卿

又

坐觀闔尹矜親賢
安得桓靈國祚延
作俑總緣鈎盾

令履霜先在永元年

又

大樹將顛莫可扶
高人孺子謔非誣
不知下榻南州日
曾與陳蕃說也

又

兩都外戚數勳封
層層無如竇氏宗
誰道蛇祥終滅族
河西遺種等梁松

又

京師流血數難逃
獻勝徒煩演六韜
此日西園諸校

尉中間蚤已列表曹

又

卓帽遼東著汗青
徐奐高義並餘馨
從來烈士方能隱
未必田疇遜管寧

又

荊州已喪景升兒
力保江東獨此時
遮莫老瞞誇子弟
黃鬚那及紫髯奇

又

譙許功勳百戰成
山陽別館恨難平
十年辛苦曾侯

墓換得西陵哭幾聲

又

盡瘁方能漢有君
出師兩表渡瀘軍
舊交石孟州平
輦潛隱終身可也聞

又

五丈原頭漢業終
江東瑜肅命仍同
如何艾濬饒長
算天意偏留七十翁

又

陰謀曲午擅山河
曆數中朝得幾何
收拾三分猶昨

日洛陽荆棘又銅駝

又

纔觀平吳志
遽策椒房揚
賈致生殃
至親先遣齋王
出孤立何曾鑒魏亡

又

賈門賓客辱非榮
越石英雄也列名
文士梳雲寧足
責蓋棺方可定生平

又

西向終身戒勿諛
侍中血濺亦英魂
兩家忠孝難同

論延祖何如學偉元

又

夷吾江左自堪誇
王馬當年共一家
誰使上流驕處
仲御牀引坐本琅邪

又

曾因顧命蓄猜嫌
折翼天門夢浪占
臣節長沙原玷
缺後人却有晉陶潛

又

一宿妖星墜鄴都
鳳陽門裏血模糊
深源經略成何

事只合英雄喚棘奴

又

申酉魚羊竟食人
分明淝水敗相因
始知景略臨終
語為晉原來併為秦

又

竊據姑藏祚不長
豈惟西域地凶亡
沮渠禿髮煩稱
號只為苻秦有呂光

又

單舸江陵竟喪身
五湖堪長未沉淪
無端賺殺桓靈

寶曹馬家兒每即真

又

姚秦甫定忽還東一敗青泥路
拔雄可惜寄奴當暮氣為貪天子失關中

又

晚途偏欠赤松遊謀略司徒枉自優
畢竟門誅因國史却誇措古過留侯

又

宮闈再見引羊車北伐空將封禪誇
秉燭江徐千古

咲徒聞政令說元嘉

又

未必臺軍善指麾晉安當壁也相宜
不容鄧琬開黃閣天道還因孝武兒

又

民望原推景債賢兩襠角內誓尤堅
莫嗟付託徒袁沈黃羅誰教着褚淵

又

魏世安平涕不禁晉朝徐廣痛仍深
那堪老眼王琨

在省過零陵更汝陰

又

東下蕭公入殿中涪陵既死即梁宮潘妃不納余妃
賜王茂原來合效忠

又

鉤弋先殲立漢昭相沿魏制本前朝河陰首禍因宣
武便殺充華亂未消

又

入洛何為忌慶之背梁元顛不須疑寶寅身本江東

鬼死向關中報亦宜

又

秀容滅後晉陽尊賀拔原輸賀六渾反間翟嵩後失
計放教黑獺割中原

又

天分元魏保江東歲歲潼關戰血紅沙苑邛山真敵
手可知年壽亦相同

又

雀鷺熊蹯語自竒臨終荷荷似先知太平寺主何勞

縛不及鮮卑健小兒

又

立國先將骨肉殘江陵全盛欲偷安讀書萬卷曾何
用文士賣成是七官

又

臨平湖草又重開應為歌殺玉壽催金翅不教江岸
出何人知有北軍來

又

七代瓜分混一初開皇仁壽政何如隋家此日原全

盛莫怪汴汾早上書

又

周朝柱國總元功孫子唐公與魏公最快江都成一
夢字文家業字文空

又

樂舞從來治化存九功七德總休論東宮洗馬還思
否蹠血當時是此門

又

尺一卑詞下趙院閉關西域儘堪和如何貞觀生民

在也唱遼東浪死歌

又

雉奴萬事不曾佳元舅雖存付託乖地下昭陵應轉
悔可憐青雀狂投懷

又

匡復還堪號義旗阿翁曾勸立昭儀平陵翟義應同
傳敬業居然焚幹蠱兒

又

三豎駢誅見老謀反周功竟擬安劉神龍若更懷英

在產祿難同凡肉留

又

鑾輿蜀道影伶仃直待臨危憶九齡幾隊霓裳曾舞
遍今宵獨聽雨霖鈴

又

戰敗陳濤竟貶官虛名房琯也堪嘆平原失勢睢陽
死不為廷蘭為賀蘭

又

懷恩作逆起中當末路臨淮亦可傷肅代那堪稱御

將純臣能幾郭汾陽

又

出赦懷中不偶焚前知道茂果生全身污偽命何難
避但教君王築奉天

又

掩殺朝恩倖偶徼地寒李揆蚤相嘲麀頭鼠目人地
此八百胡椒未易消

又

奉天未了又山南宣赦猶傳感泣談若使朝廷非陸

九難教方鎮不朱三

又

再造勳名壓燧城天生李晟自非凡全身正賴喪兵
柄延賞何妨巧進讒

又

十年臺閣杜黃裳不媿新登政事堂却怪蜀師能舉
帥偏教擇壻得韋即

又

蔡鄴成功付史官晉公一請見忠肝用兵大事當傳

後漢代營平好共看

又

變生甘露枉紛紛欲掃中璫仗外軍自古下流歸惡
甚須知訓注即任文

又

夜算河東事已新并兼克鄆更何因朱梁伎倆喪多
子只學曹瞞我負人

又

鷓鴣兒垂翅尚圖存唐社先教芒碭吞痛哭紇干山凍

崔縚即寧止壞崔門

又

割斷蔡雲十六州特開石晉豈人謀金元泣此基蟠
固那數沙陀李與劉

又

竟把揚吳作李唐子蒿難免斃青陽後人莫笑荀文
若獻帝居蔡異讓皇

又

降北甘隨趙北平河東舊樣幾曾更石郎本是唐家

堦杜令仍為晉代甥

又

平邊一策儘堪觀
席卷燕雲事豈難
天不祚周王朴死
只教黜檢相推官

又

都汴何心遶困民
岐溝那可咎曹彬
西陲釁更開銀夏
也算龍行虎步人

又

伏弩纔能殪統軍
許盟終未竟奇勲
澶淵已釀青城

種况復天書啓道君

又

曾爭喪禮厚宸妃
却使瑤華淚暗揮
漢宋堪憐俱郭后
盛時遺憾在宮闈

又

篤論千秋說辨奸
兩惇二蔡竟追攀
天津橋畔鷓鴣散
急上宋誰知屬半山

又

倡道河南竝二程
眉山軾轍亦同聲
請看和甫偕平

甫歿齒何曾是阿兄

又

共說人妖有郭京須知褚慧本僂卿太霄內禪應留
囑禦敵仍需六甲兵

又

北轅南渡事原奇半壁偷安付阿誰金匱盟寒何足
恨九竒雖在已無兒

又

汴京煙柳幾株存破碎山河那足論肯信衣冠流落

後荷花桂子倍銷魂

又

蒼黃采石獨登壇江左功成似謝安若把符籙相較
量雍公還比魏公難

又

恢復貽謀自阜陵北方有繅亦宜乘即省偽學能開
禁似覺開禧勝紹興

又

隔斷重華為北雞風皇心死不須提當年嘉祐誰調

護留正原知異雅圭

又

女直天興宗靖康最奇崔立恣披猖好還巧示青城
報不在夔山在大梁

又

南窺北剽本咆哮身殞新塘陣偶交作賊也隨時代
降笑他紅襖媿黃巢

又

獎碧堂中事可憐幽蘭一炬更淒笑蔡州且作黃龍

府武穆蒐應慰九泉

又

全蜀危疆賴再扶釣魚城築竟喪虞儻留余玠如吳
玠家計西南尚可圖

又

勤王入衛矢丹心建閩陳言慮自深四鎮空思吏弱
宋九公曾見杆殘金

又

閩廣何須悔噬臍兩淮糾合事先非平山老子後忠

義要殺文山也執迷

又

千秋文謝已流芳白首南還尚則堂賣國賈劉矜得
計偏喪消息返家鄉

又

崖山戰骨葬潮殺羞效前人五國城殘局二王仍二
帝祗緣一死矇於生

又

嶺南歸路比蒸羊甲惛黥後易代亡羸得夢炎劉半

著桑哥伊異賈平章

又

迎君漠北路悠悠至大情形至順伴者到武仁終友
愛方知監國是良謀

又

虎牌擅笮制難憑名器何堪顯濫膺已用司徒加宦
者更將學士授西僧

又

太師牖下幸逋誅稔惡三朝報豈喪定策不同弘吉

刺滅門那免伯牙吾

又

丞相徐州已罷官山東良將復推殘應昌死局人先
識南北全輸布算難

又

真龍安意掃張陳只為幽燕滿戰塵竒后字羅皇太
子合稱明祖大功臣

今宵

無才原不解逢時活計朝昏也自支戶外蓬蒿知我
懶膝前梨栗任兒癡向思世事三緘好近覺家風萬
石宜焚却枯魚堪佐酒今宵且擬放翁詩

婁關夜泊

歲暮婁江路維梢已故鄉天低雲釀雪水淺月含霜
野館雞聲早鄰船客話長披衣禁獨坐宿酒尚金甌

